

周
官
心
解

周官心解卷第三

諸暨楊莊蔣載康闡訂

受業姚宇文校刊

天官冢宰第一之三

○醫師掌醫之政令聚毒藥以共醫事

醫師羣醫之長政令兼該食疾病瘡

四項聚毒藥以下皆醫師政令事毒藥分二項毒主攻發藥則消補調和兼之

凡邦之有疾病者有疔瘍者造焉則使醫分而治之

疔鼻履反

瘍音羊造七報反。疔首瘡及頭癰疽瘍身癰疽分之者疾醫治疾病瘍醫治疔瘍

歲終則稽其醫事以制其食十全爲上十失一次之十失

二次之。十失三次之。十失四爲下。

註食祿也。按上次次下。稽其事而得之。卽

以定食之差等。降於此則黜。

○食醫掌和王之六食六飲六膳百羞百醬八珍之齊。

和

臥反六食之食音嗣下食齊膳食同齊才細反下同。疏六食以下皆膳夫所掌此則主其調和。

凡食

齊。春時羹。齊。夏時醬。齊。秋時飲。齊。冬時

註飯

羹宜熱。醬宜涼。飲宜寒。疏。眠猶比也。

凡和。春多酸。夏多苦。秋多辛。冬多鹹。調以滑甘。

和胡臥反。註。尙時

味而甘以成之。猶水火金木之載於土。內則棗栗飴蜜以甘之。薑荳枌榆兔薤滑瀹以滑之。史直翁曰。非四時各專一味。多者五味中使一味勝也。如春時肝用事。用則勞而易損。或四藏勝而疾生。曲直作酸。酸爲主。引諸

味以益肝可使適平也夏之苦秋之辛冬之鹹莫不皆然愚按春木味酸於酸宜然春氣散又貴酸以斂之夏火味苦於苦宜然夏炎熱又貴苦以寒之秋金味辛於辛宜然秋氣斂又貴辛以散之冬水味鹹於鹹宜然冬堅凝又貴鹹以輭之夫木火金水皆附於土而飲食主於脾胃土爰稼穡稼穡作甘甘則滋脾胃以益土也又加之滑使甘之爲味與酸苦辛鹹之違戾者一一利順而自不至於生疾也

凡會膳食之宜牛宜稌羊宜黍豕宜稷犬宜粱鴈宜麥魚

宜苽

會如字稌音杜苽音孤。此取六牲六穀之相宜者配食以養生也攷稌黍稷梁麥苽卽膳夫六穀

而六牲則易之不特去雞用鴈并去馬用魚蓋萬物生於土而養生則主脾胃雞固木畜生風能害脾土馬又無膽而肝有大毒害同於雞故皆去之鴈則暑北寒南又隨陽能滋脾胃故以易雞魚則水產而生長於火主土相時允宜脾胃故以易馬也又攷牲畜分屬五行穀雖土產其中亦分屬四行稌卽稻金穀也牛則純土之

畜以土生金，卽亦益土而不洩脾胃。羊黍比和，皆屬火相配而食胥助脾胃。惟豕水畜與土不和，稷則純土之穀也。取以相配，則水得土制而無不宜。犬金畜而象艮，艮土也。位火生地，故能守而性熱。梁赤者火行，白者金行。黃土行以犬配，食卽又宜麥火穀也。苽、菱、米、菱、白下生而苽米上實，近科上槁於火爲近，以隨陽之。鴈配麥以夏產之，魚配苽，何一不與陽明胃土大陰脾土相滋而不相背哉。此養生之大道也。又攷秦人月令，夏食菽，秋食麻、麻、木穀，菽水穀，夏食菽，謂火爻可以水制也。又食雞、木畜，令更生火以洩水，而中宮乃可無害。秋食麻，謂金盛木廢，不能爲土患也。又食犬，金畜以制木，尤重重保固脾胃之義。此周公之書而不韋竊之者，故一飲一食皆有精義如此。

凡君子之食恆放焉。

食如字放甫往反。君子王以下至士使天下無疵癘殒札之患者以此

○疾醫掌養萬民之疾病。四時皆有癘疾。春時有瘡首疾。

夏時有痒疥疾。秋時有瘡寒疾。冬時有嗽土氣疾。瘡音

音消痒移兩反疥音介嗽西候反上時養反。註疥酸削也首疾頭痛也嗽咳也土氣逆喘也按冬傷於寒春木用事陽氣上達而寒氣搏之致鼻竅壅塞為疳首之疾也肺主皮毛脾主肌肉夏時火主金囚則肺傷而病見於皮毛或暑氣蒸溼則傷脾而病達於肌肉故有痒疥之疾也夏傷於暑愆陽內伏炎鬱之氣欲外出而秋主斂藏輾轉相搏則寒熱往來而為瘡寒之疾也肺主皮毛亦主聲冬時固沍朔風透入腠裏故寒氣壅遏為痲涎為咳逆而有嗽土氣疾也四者皆四時不和之氣故謂之疢

以五味五穀五藥養其病

註五味醯酒飴蜜薑鹽之屬按五穀麻麥稷稻菽也註五藥草

木蟲石穀也王介甫曰味養精穀養形藥則療病者也養精為木養形為次療病為末

以五氣五聲五色眡其死生

王光遠曰五氣心氣熱肝氣溫脾氣和肺氣涼腎氣寒王

昭明日五聲肝呼心笑脾歌肺哭腎呻也。註五色面青赤黃白黑按據此三者各因其症與時而察之吉凶可知。

兩之以九竅之變參之以九藏之動。

竅乞叫反藏才浪反。註九竅陽竅七陰

竅二九藏正藏五心肝脾肺腎又有膽膀胱大腸小腸按既眊上三者又審竅變爲兩又審藏動爲參也變竅有開閉動九藏脈候有浮沉遲數也。

凡民之有疾病者分而治之死終則各書其所以而入於

醫師

註少者曰死老者曰終所以治之不愈之狀醫師得以制其祿且爲後治之戒。

○瘍醫掌腫瘍潰瘍金瘍折瘍之祝藥劑殺之齊。

折時設反劑音

刮殺所賣反又如字齊才細反。註腫瘍癰而生創者潰瘍癰而含膿血者金瘍刀創折瘍踣跌者劑刮去膿

血殺以藥食其惡肉王介甫曰醫術移精變氣有祝由之法而瘍尤宜祝後世有以氣封瘍而徙之者蓋祝由之法也

凡療瘍以五毒攻之以五氣養之以五藥療之以五味節

之氣讀作穀。療救療攻攻伐攻伐以先去其毒。註五毒黃堊石膽丹砂雄黃礬石慈石五氣當爲五穀按既攻盡其肉乃隨五行之有餘不足而以五行之穀養之也五穀皆屬土而又分五行木麻火麥土稷金稻水菽以五藥療之亦因五行之有餘不足取草木蟲石穀之合於五行者療之也療療治以五味節之者亦因五行之有餘不足如木氣不足宜多酸火氣不足宜多苦有餘者反是節調劑以取節適

凡藥以酸養骨以辛養筋以鹹養脈以苦養氣以甘養肉

以滑養竅

此經該疾醫前食醫多酸六者言食味此又言藥之味也

凡有瘍者受其藥焉

受其成藥此異於疾醫者死終亦各書所以而入於醫師

○獸醫掌療獸病療獸瘍

獸醫治牛馬驢騾諸病者疏人病與瘍別醫獸病及瘍同醫者

重人賤畜

凡療獸病灌而行之以節之以動其氣觀其所發而養之

凡治病必審病之發於何藏以下藥病乃可愈而獸之發病則難知矣故必灌之以發病之藥而牽之使行緩行氣不動則驟行之驟行或疲乏則又緩行之俟脈氣既動病發何藏乃一一可審觀而得也養隨所發而治兼表下消補及食養

凡療獸瘍灌而劑之以發其惡然後藥之養之食之

食音嗣

灌灌之以發藥劑劑去外肌肉惡毒也發其惡刮去肌肉令其毒發於外也藥之施攻伐之劑養之加和補之

劑食之豐其芻秣

凡獸之有病者有瘍者使療之死則計其數以進退之

書所以異於治人也進退增減其祿醫師之政令也

○酒正掌酒之政令以式灋授酒材式大宰九式以式灋授酒材如為祭祀作

酒則以祭祀之式灋授酒人酒材也酒材米麴粢人為飲亦準此○凡為公酒者亦如

之為公酒以公家事作酒也如鄉賓興州射黨蜡飲皆是亦以式灋及酒材授之使自釀

辨五齊之名一曰泛齊二曰醴齊三曰盎齊四曰緹齊五

曰沈齊齊才細反下同緹音體。五齊祭祀獻鬼神之下

下不得用註泛者滓浮泛泛然醴猶體滓汁相將益猶翁翁然蔥白色緹紅赤沈滓沈自醴以上尤濁縮酌

天官 獸醫

者蓋以下差清疏酒正不自造酒酒人爲之酒正辨其名知清濁而已

辨三酒之物一曰事酒二曰昔酒三曰清酒其酒人所飲

尊昔酒次之清酒又次之事酒因事特作之案少牢既筵得日宗人命滌宰命爲酒卽事酒也但彼卽此酒獻神王祭則臣下獻神以事酒自酢王后相致爵用事酒獻諸臣及內外宗亦用事酒爲不同耳旅酬用昔酒無算爵用清酒昔酒卽明酌酋久色清而明清酒亦昔酒但滓沈而清耳此經一二三序次尊卑秩然或曰昔酒清酒其尊卑有據乎曰有據卽以況齊差之夫五齊之次泛醴尊而盎緹沈與人所共知司尊彝云醴齊縮酌盎齊況酌郊特牲縮酌用萊明酌也言醴齊縮酌者用茅縮去其滓況之則用明酌明酌昔酒也又云酸酒況於清清酒言況盎齊用清酒也以昔酒況醴之尊以清酒況盎之卑二酒之尊卑不更可知乎或曰註以明酌爲事酒子以爲昔酒何也曰必非事酒郊特牲又云猶明清與醴酒於舊醴之酒也惟舊醴故清惟舊醴者

久乃清而又明若事酒因事而作又命作於得日之日
近在十日之內不可云舊醢也且新作之酒汁濃而糟
亦未化不得云明醢也

辨四飲之物一曰清二曰醫三曰漿四曰醢醫於起反醢

同。飲以止渴如近世茗飲亦蒸米和麴釀成但不如
酒味厚耳註清醴之沛者醫即內則以醢為醴醴濁釀
醢為之則少清漿載漿疏漿亦酒類載之言載米汁相
載也註醢內則有黍醢醢飲粥稀者之清也按稀粥至
薄又言其清謂滓甚少亦酒類也王舉皆用清此醫漿
醢皆不涼蓋常食不及水涼者以水入清即水也固不
必辨涼則盛暑時飲中調和冰水者又不常用也

掌其厚薄之齊以共王之四飲三酒之饌及后世子之飲

與其酒

厚薄之齊但主飲酒五齊生人不用也酒人作
酒漿人作飲酒正共王掌辨其厚薄又掌其陳

設饌陳設也。后世子但辨而共之。言共又言饌。酒正親奉可知。后世子或其士奉之。

凡祭祀以灋共五齊三酒以實八尊。大祭三貳。中祭再貳。

小祭壹貳。皆有酌數。唯齊酒不貳。皆有器量。

註酌所用注尊者按

亦用以挹尊實爵。爵受升酌之量。同齊尊容五升。卽犬山著壺犧象三酒之尊容一斛。卽大鼎此酌數器量之可知者。大祭大神則南郊。大元則北郊。而五帝及明堂皆神之貴者。廟祭則先帝先王先公。中祭外神天神則日月星辰。地元則五嶽四鎮四瀆。內神則大社大稷五祀亦元屬。小祭天神則司中司命風師雨師在地物。彪則四方百物。三貳再貳壹貳就三酒尊益之以飲諸臣。大祭禮隆官盛。故三貳中祭稍減殺。故再貳。小祭大減殺。故一貳也。齊酒不貳者。齊酒獻神獻有定數。不須增益。疏以灋共五齊三酒者。祭有大小。齊有多少。各有常。灋八尊五齊五尊三酒二尊。按廟祭八尊四尊盛泛醴。盎緹四尊一盛沈齊三盛三酒四齊四尊。陳堂上沈齊。

及三酒四尊列堂下陳堂上者春祠夏禴兩犧兩象秋
嘗冬烝兩著兩壺追享朝享兩犬兩山堂下四尊則六
祭通用大罍無齊酒之別疏又云若五齊加明水三酒
加元酒此八尊爲十六尊按祭祀不言共奉世婦等執
其事唯酒人奄人無嫌故凡祭祀共奉
唯酒人職之也此用酒具祭祀式中

共賓客之禮酒其後之致飲于賓客之禮鬯醢糟皆使其

士奉之

賓客之禮酒饗禮之酒也王致酒後致飲佐主

之禮舉客見賓也賓當清槽備且備四飲醢漿二者亦
同致後漿人則致飲於賓之禮夫人降於后故清槽備
而無漿夫人致飲漿奄奉之此使士后尊也皆謂酒飲
王酒後飲皆士奉致賓客也士酒正所屬下士此具賓
客式中

凡王之燕飲酒其其計酒正奉之

註其計獻酬多少度當
足按又恐過多令王知

節酒正奉之王親與飲不
改使屬也此具好用式中

凡饗士庶子饗耆老孤子皆共其酒無酌數饗獻酢酬有定而此不為

酌數令得寬飲然究屬禮飲與燕之可以盡歡者不同
即無酌數不至失禮矣不共計但登之簿耳此亦具好

用式中

掌酒之賜頒皆有灋以行之灋當多當少之灋疏行之者依灋給之按此具匪頒式中

凡有秩酒者以書契授之註秩常也有秩者謂老臣王制九十日有秩王介甫曰授以書

使知所得數授以契使執以
取酒也按此亦具好用式中

酒正之出日入其成月入其要小宰聽之註出授酒材及用酒多少也按

日成月要皆入於小宰故小宰聽之日入成月凡三入
成月入要歲凡十二入要王介甫曰特謹其出異於餘

物並酒之意良然

○歲終則會唯王及后之飲酒不會以酒式

誅賞

唯王及后不會則世子會矣為世子慈酒也會亦小宰主之誅賞誅賞其屬及酒人樂人等授酒材

以式灋共酒亦有式灋故以式誅賞也不及樂例見

○酒人掌為五齊三酒祭祀則共奉之以役世婦

齊才細反。註

世婦掌女宮之宿戒及祭祀比具酒人共酒因為世婦役也按酒人屯人其屬女酒及奚皆女子為之故可為

世婦役

共賓客之禮酒飲酒而奉之

禮酒饗所飲飲酒燕所飲共奉從酒正之士

凡事共酒而入于酒府

凡事凡用酒事酒正當親奉及使士共者

凡祭祀共酒以往

此小祭祀共酒以往為世婦役

○賓客之陳酒亦如之

陳酒。饗餼酒當陳列者從酒正之士以往役其陳列也。

○漿人掌共王之六飲。水漿醴涼醫酏。入于酒府。王之六飲酒正

奉之故入酒府。王飲皆清言飲入糟。合易辨也。仍命漿人。沛之可知。酒正不辨水涼者。飲和以水。卽水入冰。卽涼。皆臨時調劑故。

共賓客之稍禮。稍禮。館中漸給賓客。不言奉禮微。○共夫人致飲于賓客。

之禮。清醴醫酏糟而奉之。清醴醴。沛無糟。醫酏皆不沛。夫人佐后養賓。故致飲三清。

一二糟降於后。此舉賓以見客。客則醴糟已耳。漿奄奉致亦降於后。

凡飲共之。該諸用飲者。

○凌人掌冰。正歲十有二月。令斬冰。三其凌。凌力應反。註凌冰室三。

其凌三培其冰爲消釋度按正歲二字劉歆所增當削去此經時月皆夏正汲書周月解所謂敬授民時巡狩祭享猶自夏者也唯正歲爲周正子月則致伐於商改正異械以垂三統之義耳故此經唯正歲爲子月與春秋王正同他言月言時無非夏正乃劉歆校經妄意周月當準春秋反以正歲爲夏正見此官十二月斬冰謂周十二月卽亥月始冰時未可以斬遂肆筆於十有二月月上增竄正歲二字意謂必如此方是周之正月而豈知正爲周之亥月乎迷謬顛倒至此歆之罪大矣漢書志載歆三統歷核之竹書紀年劉歆增竄三甲至一百八十年始信顛倒五經言非虛妄增此二字及易置正歲歲終皆出賊手也夫夏正寅月周正子月子先寅後如果必先正正月而後正歲何以秋官小司寇憲刑禁于正歲而布憲之憲乃在正月之吉耶正歲前而正月後此欲徧易經文而迹不可泯之明據也

春始治鑑

註鑑如頸大口盛冰置食物以禦溫氣按春始夏正月周三月也爲卯月將啓冰故先治鑑不

天官

凌人

卷之三

著獻羔開冰疑闕文周官全經凡春夏秋冬皆夏正與春秋經周正者大別如此經春始夏之正月周季春也爲仲春將開冰故先一月治鑑若周正始春正夏之十一月此時固未至冰且未斬未納何須治鑑乎後文夏頒冰則夏之四五六三月若周正則二三四三月唯四月爲夏前此兩月皆不須冰矣秋刷暑退寒生冰可不用故刷之若周正則周之七月乃夏之五月八月夏之六月九月亦夏之七月此三月中雖以秋名正盛熱之候大需冰用可刷之以除冰室耶故周官全經凡正月皆寅月爲夏首春正歲則子月夏之仲冬也正歲卽春秋正月正月乃春秋三月春夏秋冬於春秋皆遲二月卽此經春始治鑑夏頒冰秋刷三者觀之益知十有二月上正歲二字爲劉歆竄入無疑也尤儒旣以正歲爲夏正正月爲周正則四時當用周時矣乃於此治鑑頒冰等又從夏

○凡外內饗之膳羞鑑焉凡酒漿之時特調停之說

酒醴亦如之註酒漿酒人漿人也酒醴見溫氣亦失味

祭祀共冰鑑賓客共冰大喪共夷槃冰

註實冰於夷槃中置之尸牀下以寒

尸漢禮器制度大槃廣八尺長丈二尺深三尺漆赤中按舉大喪該小喪尸易敗二月亦共夷槃冰疏言三月以後非也試思王喪七日乃殯王后亦然且宮中準諸侯五日殯者甚多必待三月以後尸未免有敗矣

夏頒冰掌事

首夏巳月起於此大頒冰也若喪家卽二月亦授冰註暑氣盛王以冰頒賜則主爲之

○秋刷

刷所刮反。刷淨埽冰室也秋三月暑氣遞減

溼卽蒸而冰解近世藏冰先以火頻燒既合地乾又絕地氣也周京高燥或不用此竊意秋時金旺一年乾燥之氣在此三月當是移餘冰於他所淨埽其室以乾之待將來藏貯耳

○籩人掌四籩之實

註籩竹器如豆容四升

朝事之籩其實麴黃白黑形鹽膾鮑魚鱠

麴敷翁反黃符分反膾火吳反

鱸師優反。鄭司農曰熬麥曰麤。麻曰黃。稻曰白黍。曰黑。築鹽爲虎形。謂之形鹽。春秋傳鹽虎形。註朝事祭宗廟薦血腥之事。鮑於楅室中糗乾之鱸析乾之。按臘方割田獸肉而乾之者卽腊人脯腊臘胖之臘若生魚之臘非邊實矣。此外宗佐后親薦者朝事之豆同。

饋食之邊其實棗栗桃乾棣榛實。

棗古栗字乾音干棣音老榛側巾反。註饋食

薦熟也乾棣乾梅內則有桃諸梅諸是皆乾者按饋食亦應八邊已亡其三矣然少牢饋食有糗脩二邊大夫之禮因天子降殺此二邊疑爲八邊所遺當補入棣實之下惜一邊無攷也糗熬大豆及米爲之脩析牛肉加薑桂而乾之卽鍛脩此亦外宗佐后親薦饋食之豆同。

加邊之實菱芡桌脯菱芡桌脯。

菱音陵芡音儉。加邊酌

爵之酌朝踐尊時尸食朝事之邊酌饋食尊時尸食饋食之邊故此爲加也加豆放此王與后酌必四獻二獻

酌朝踐之尊二獻酌饋食之尊也。孔疏據崔氏謂王酌朝踐一獻后酌饋食一獻非也。醕食後衍引之義故仍用前酌四尊也。既用前四尊亦四酌可知。若主人酌朝踐一尊主婦酌饋食一尊則上公九獻侯伯七獻事矣。曾王者之祭先王如此邪。加邊之實四物重之必異。禮修治。

羞邊之實糗餌粉飧。

糗去九反餌而志反。飧昨資反。羞邊賓長受酢後設內羞於尸祝及王。

與后卽少牢宰夫所羞房中之羞也。糗餌屑豆米若玉珥形爲之而熬以脂膏粉飧蒸粘米搗爛爲餅又炒豆屑粉糝之卽飧團也。吾越名麻糍此與上加邊皆內宗羞之加豆羞豆並同。

凡祭祀共其邊薦羞之實。

凡凡日月祭四時禘祫薦先薦後獻據朝踐饋獻未獻所薦羞。

尸食後王初醕訖所羞卽加邊也。賓受酢後又薦羞邊邊人共而不薦薦之在后與內宗。

喪事及賓客之事共其薦邊羞邊。

主喪奠朝夕減殺朔望殷食等當與舉同賓客。

之禮降於王以豆羞之上公十六侯伯十二子男八準
上大夫此王卿六命而五旒五章同子男公之孤六準
下大夫此王中下大夫與孤同四命而三旒三章亦不
與以上豆準爵命皆本數若公侯伯之卿子男之卿與
其下大夫各因其君之豆以二等
為降殺則待客禮非爵列本數矣

為王及后世子共其內羞

內羞即羞二邊所謂房中之羞

凡邊事掌之

即吉廟享即三年大禘也行事於大廟祭之日司巫
共匪主大祝迎還廟主及三昭三穆主共入大廟會
子問祝迎四廟主出入皆蹕王亦蹕可知不著君迎
送入時神未降出時神已送也王衮冕大祖及先王
尸亦衮冕先公尸鷩冕還廟無尺尸入大祝於後侑
之王不出迎祭統君不迎尺別嫌也尸入室作樂降
神大司樂圍鍾為宮九變致人鬼是也乃灌灌尊用
二雌彝灌圭璋尺有二寸皆全玉為之瓊玉祭玉龍

首亦至王酌圭瓚祼后酌璋瓚亞祼眾尸依次而灌
小宰注尸祭之啐之奠之尸既啐卽尸飲之此當二
獻王出迎六牲牲至庭禮器納牲詔於庭牲既殺王
執鸞刀啓其毛祝以血毛告於室禮器血毛詔於室
凡牲廟各別牢皆十二俎於是尸出室太祖尸坐戶西
穆共一牢亦皆十二俎於是尸出室太祖尸坐戶西
南面主在右昭在東穆在西主各在右鄭注祭統夫
子諸侯之祭朝事延尸於戶外有北面事尸之禮祝
乃取牲脾脅燎於爐炭入詔神於室又出墮於主前
郊特牲詔祝於室坐尸於堂是也王洗肝於鬱鬯燔
之制於主前所謂制祭乃升牲首於室中置北墉下
后薦朝事之豆籩乃薦腥於尸主前禮運薦其血毛
腥其俎是也其體解以湯燭之不坐熟次於腥薦之
王酌大尊泛齊獻尸后酌大尊醴齊亞獻乃合烹薦
熟於堂禮器設祭於堂乃延主入室太祖東面昭南
面穆北面徙饌於室內坐前祝以爵酌奠於饌南
郊特牲註天子奠俎諸侯奠角既奠祝又取腸間脂
病蕭合馨蕤郊特牲註奠薦熟時當此大合樂也乃

[illegible]

往嗣子舉奠此準文王世子上嗣舉奠之禮以士與
不嫌與國君同也竊謂王世子亦必不異觀春官鬱
人夏官量人皆飲舉牢之卒爵則王世子舉奠之藝
據也舉奠及三加爵俱不列獻內總十二獻禘禮
亦當同此此則禮行於姜嫄廟以姜嫄爲帝嚳配帝
嚳王必在廟中斷不以尊就皋祀之於后稷之廟也
裸尊二虎彝牲全烝天子祭禮亡謹因遵醢二職
及司尊彝核之而享先王之禮得其大畧若諸侯祭
禮亦雜出於記文今就王禮差之亦得其概上公九
獻亦始二灌灌尊黃目玉瓚圭九寸龍首亦玉考工
玉人所謂上公用龍是也夫人瓚瑋九寸其他與君
同朝踐兩犧尊一盛醴齊君獻一盛盎齊夫人獻饋
食兩象尊皆盛緹齊其一君獻其一夫人獻也尸既
食又酌朝踐二尊醢尸合前二灌爲八獻長孫如疑
醢尸不及饋食二尊似乎偏頗曰堂上三齊君與夫
人皆各二酌正得均等不必疑也八獻後堂下疊尊
沈齊賓酌終獻則九獻矣九獻中四薦豆籩合十六
而酌奠舉奠及加爵畧同於王侯伯七獻其二始亦

裸圭璋皆七寸但侯玉瓚伯則玉圭玉璋而已玉人所謂侯用瓚伯用將是也將柄卽圭璋裸尊同上公裸後朝踐用二犧尊皆盎齊饋食用二象尊皆緹齊朝踐饋食君皆不獻禮器君制祭夫人薦盎君割牲夫人薦酒酒緹齊也尸食後君酌朝踐首尊盎齊酌尸夫人酌饋食末尊緹齊酌尸二齊四尊四獻四酌適得均停合前二裸爲六獻繼此賓酌堂下疊尊中沈齊以終獻則七獻也七獻中四薦豆籩合十二舉莫加爵亦同上公公侯伯皆始於灌此準王肆獻裸之禮爲降殺者次之者執璧之三公八命而七章同於侯伯然不執圭卽不得以圭瓚裸尸此則準王肆獻之禮爲降殺者禮始朝踐二獻次薦孰室中則肆而饋食又二獻尸既食加醑尸三獻總七獻與侯伯等但獻齊加二裸缺二爲異耳漢王制未賜圭瓚則資鬯於天子知始亦注鬯於器以降神也齊三豆籩十二亦同侯伯次三公者王三孤六卿及子男也此皆不裸去堂上朝踐二獻而始於肆者既始於薦熟之肆獻亦起於室中之饋食耳洎尸食後加醑尸

三獻卽五獻也齊當二豆遵當八降神亦得資饗於王長孫如日禮器豆上公十六諸侯十二而不及子男儒說皆云子男該諸侯中亦十二若八豆則禮器明云上大夫又聘禮歸饗於上大夫堂上之豆正入則禮器八豆正諸侯上大夫之禮祖曰天子之孤卿及子男之禮似與禮不合曰禮器上大夫乃王之上大夫卽孤也卿也爵皆六命而冕服五章同於子男上大夫八豆則子男亦八豆可知矣若聘禮歸饗上大夫妻堂上豆八則主國待聘使加隆之禮至其祀先四正豆明見於少牢安得增加一半況歸饗五牢鉶牢九鼎將毋諸侯之卿亦得以大牢九鼎祀其先人耶問上公以下舉奠加爵異同曰加爵不少異舉奠不同上公侯伯子男皆世子舉奠二公孤卿以德授無嗣舉奠之禮問王之中下大夫及公之孤其爵同四命得毋同三獻與曰然然此則準王饋食享先王之禮爲降殺者中下大夫皆大牢七鼎而別以饋尸不饋尸獻唯沈齊豆籩皆六禮器下大夫六豆是也公之孤則大牢五鼎而饋尸其六豆籩一齊三獻胥

同又問大夫用犬牢此何據曰曲禮天子犧牛諸侯肥牛大夫索牛此大夫據上中下三者言而孤與之同命數故亦犬牢曰孤何以獨五鼎曰臣當下君若上公九鼎而孤七鼎則抗而嫌矣試卽王臣與諸侯之臣例之王六牲鼎十二故三公大牢九鼎不嫌侯伯子男犬牢九鼎其卿皆少牢五鼎故無嫌此公之孤所由必犬牢五鼎也下此少牢饋食者王之上士中士諸侯之卿及下大夫也二士皆嗣舉奠侯卿饋尸下大夫不饋尸皆無舉奠之禮其五鼎三獻及獻用三酒四豆四邊一也最卑者王之下士諸侯之士則特牲饋食矣特牲者三鼎豆邊各二獻亦三同用三酒不饋尸而嗣舉奠並同又問三公不灌何據曰召穆公虎周之三公也江漢之詩曰釐爾圭瓚秬鬯一卣必前此祭先不得灌至有大功而賜之乃得灌地降神也曰子男雖與三公同執璧然亦外諸侯故先儒皆謂子男亦以裸始祖曰子男無裸豈別有據耶曰考工玉人記瓚最詳曰王用全謂瓚之承盤龍首瓚柄皆全玉琢成不雜以石下此上公用龍則承

盤以石爲之矣。侯用瓊則龍首亦石矣。最下伯用琥將柄也。惟柄用玉則承盤龍首及瓊胥以石爲之。而文不及子男。此子男執璧不得以圭璋灌之鑿據也。又問祭服曰。王祭宗廟。冕服已見。春官司服。若諸侯唯二王之後祭先王可服上服。非是則自上公至子男皆元冕。王三公亦元冕。下此則王之孤卿大夫及三士則皆朝服。然諸侯之臣其朝服元冠緇布衣素裳。王臣之朝服則皮牟素積。雜記大夫牟而祭於己。豈惟大夫哉。嘗與友人論祭禮。友謂禮辨差等。諸侯士分三等。而統以特牲三獻可乎。予謂祭禮盡亡。存者惟此少牢特牲二篇。然則特牲三獻第王下士及諸侯上士之禮耳。若中士下士當有遞加降殺者。而三俎三獻諸大端不可易。故上士以下胥統以特牲。日不可以一獻乎。曰。一獻質見於禮器。此惟外祭如馬步物彪駟辜等祭有之。豈有致孝於先人而同此者耶。竊意特牲禮豕俎九體。隱合少牢之十一。若降而正九及七亦見。魯與腊俎少牢用麋而特牲第曰獸獸中若

鹿若騁若麀等皆遞小可用若準豕體割之亦等殺秩然又少牢尸食十一飯特牲則九飯若準九遞減殆無不可至於三俎三獻乃禮之大經所繫屬必不可易也天子諸侯既祭明日釋祭於廟門西堂禮不見十七篇中竊意與釋為類者惟有司徹之儗尸耳少牢祭於室而儗尸在堂又祭畢即行之與釋在明日又於祔者殊不同然儗尸類賓燕而大雅鳧鷖之咏釋動云公尸來燕則天子之釋亦與燕禮不甚異矣諸侯可以類推

○醢人掌四豆之實疏豆木器豆與蓮竝設節數與四邊同時

朝事之豆其實韭菹醢醢昌本麋醢菁菹鹿醢苡菹麋醢韭音久菹莊魚反醢吐感反醢乃分反菁音精苡音卯麋京倫反○醢醢肉醬有汁者昌本昌蒲根齏也註三醢亦醢也作醢膊乾其肉莖之而雜以梁麴及鹽漬以美酒塗置瓶中百日則成矣有骨為醢無骨為醢菁菹

菁菰見葵即苳菜或云即
尊菜疏入豆並后設之

饋食之豆其實葵苳藟醢脾析蠃醢蟹蝼醢豚拍魚醢

禾反脾婢支反蠃蒲皆反蟹市軫反拍音博○葵菜名
味甘滑註藟蟬蟬蜃大蛤蝼蟻子拍為膊脅也鄭司農

云脾析牛百葉蜃蛤疏
脾析蟹豚拍皆齋也

加豆之實芹苳兔醢深蒲醢醢箬苳雁醢筍苳魚醢

息尹反○註芹楚葵箬箭萌筍竹萌鄭司農云
深蒲蒲弱入水深故曰深蒲按即茭白齋也

羞豆之實醢食糝食則取稻米舉搔洩之小切狼臠膏以

與稻米為糝又曰糝取牛羊豕之肉三如一
小切之與稻米稻米二肉一合以為餌煎之

凡祭祀共薦羞之豆實賓客喪紀亦如之
見前薦羞義

爲王及后世子共其內羞。內羞卽羞二豆

王舉則共醢六十。以五齊七醢七菹三醢實之。齊子酉反音齋

下同。註五齋昌本脾析蜃豚拍深蒲也。七醢醢魚雁也。七菹韭菁茆葵芹筍筍也。三醢麋鹿爲菹野凡醢所和細切爲齋。全物若脾爲菹。少儀麋鹿爲菹。野豕爲軒皆脾而不切。麋爲辟雞兔爲宛脾皆脾而切之。切葱若薤實諸醢以柔之。由此言之則齋菹之稱菜肉通。按齋菹皆醢物。醢人爲之所實豆。齋在醢人所故醢人實而共之。

賓客之禮共醢五十。 註致養餼時按餼亦有醢醢上公

百有二十。齋醢醢也。此醢人王舉共醢六十。齋合醢人共醢六十。齋與膳夫之數恰合。此眞上物。十二之充數非諸侯所得擬者。故此經賓客之禮醢人共醢五十。合醢人共醢五十。正諸侯上公之禮。由此差殺則侯伯

八十子男六十尊卑秩序次第井然疏以爲此王待侯
伯之禮上公百二十子男八十則上公竟同於王矣聖
人制禮豈無等至此乎或曰掌客明云上公醴醴百二
十侯伯百子男八十疏固非無據也余曰此掌客之誤
文也曰掌客誠有誤註已訂正矣復何誤邪曰卽夫人
致禮言之侯伯八壺八豆八簋子男六壺六豆六簋誠
得降殺以兩差數而上公仍作八壺八豆八簋則上公
等夷於侯伯差數安在余謂八乃十字之誤而註不加
訂正掌客醴醴之誤亦猶是矣又曰子以上公八壺八
豆八簋爲註未正之誤因與侯伯數同無差降也若掌
客醴醴之差降其次秩然上公百二十侯伯降爲百子
男又降爲八十皆以兩差降也未見有誤可正也余曰
此非公侯伯子男醴醴皆與上簋米文連上公米固百二十
公侯伯子男則百簋子男則八十簋或劉歆於此妄意醴
醴之數當同簋米遂於上公醴醴百下增二十字於侯
伯醴醴八十刪改百字於子男醴醴六十妄改八十以
爲簋米降殺如此醴醴亦當如此竟不知子男擬侯伯

侯伯僭上公上公直冒天子大烹天秩也。今幸醢醢二職五十糝證據確鑿而掌客改經之訛特謹正之以復其舊。○凡事共醢。禮事及常食當共醢者至多。故言凡以總括之醢亦準此。

○醢人掌共五齊七菹凡醢物以共祭祀之齊菹凡醢醬之物賓客亦如之。醢醢也醢人作醢及諸醢調之物者掌共至醢物爲下總綱凡醢物如麋鹿菹野豕軒麋辟雞兔宛脾諸品凡醢醬之物醬卽醢醢醢蓋用醢而又入醬者下賓客之禮據養飧此賓客據養食。

王舉則共齊菹醢物六十糝共后及世子之醬齊菹賓客之禮共醢五十糝。○凡事共醢。

○鹽人掌鹽之政令以共百事之鹽。

鹽利甚大後世國計賴之而周初取煮賣

買一聽諸民故不設大官第以奄為鹽人以掌政令也所謂政令不過共煮諸事而已於外事無與也

祭祀共其苦鹽散鹽

苦作鹽音古○杜子春日苦讀為鹽按鹽出鹽池疏今願鹽是也散鹽煮

水為之出東海

賓客共其形鹽散鹽

形鹽春秋傳所謂鹽虎形者以盛禮享賓客乃有之在朝事八導則第五

王之膳羞共飴鹽后及世子亦如之

註飴鹽鹽恬者疏即石鹽

凡齊事鬻鹽以待戒令

齊才細反鬻同煮鹽音古○註齊事和五味之事鬻鹽凍治之按

古時不推鹽地利盡出民無游手一民尺土胥富國之資故不取鹽利也自管仲相齊始有鹽征漢唐以來治民之法巡古遠甚民無九職之煩澤竭山童桑麻之出少放牧之產微井平原膏腴之土聽之放逸之農而勸課不之及民復棄本業以爭末利則正稅之所入愈寡矣唯富商大賈操利權以求鹽利往來販賣資本巨萬

得息亦常巨萬朝廷理財者視正稅不副用而鹽稅可
以佐國計於是重設歲額以征之而所入遂與天下正
稅相準此亦權宜補苴之計也豈先王之正法哉

○冪人掌共巾冪

冪莫繹反。以巾覆物曰冪。

祭祀以疏布巾冪八尊

此冪祭祀神元者巾以疏布神元尚質八尊五尊盛鬯三尊盛酒此

著獻尊而無降神注鬯之器下經著六彝而不及獻尊
互相備也據此知大神元及大神元以下諸祭其舉
旅等事悉同廟享蓋八尊四尊盛鬯王及宗伯獻下四
尊一盛鬯臣下獻三盛三酒皆臣下所飲也酒正文大
祭三貳中祭再貳小祭壹貳知外祀內祀不異天子
祭外神不灌如祀天但注鬯於四圭祀地注於兩圭而
旅四望亦用之他若圭璧以祀日月星辰璋邸射以祀
山川皆注鬯而陳之以代灌者也唯王巡狩所過山川
但合宗伯大祝以鬯灌神所謂大璋九寸中璋邊璋七
寸黃金勺青金外者器同於瓚卽灌可無疑至於獻神

自來諸說皆以爲仍用齊酒惟愚以爲不然說詳春官
鬯人 畏孫如問八尊陳列曰數同廟祭斯鬯尊準齊
尊但廟祭齊五而尊二項在上四尊兩兩相偶如朝踐
兩犧尊一盛泛一盛醴饋食兩象尊一盛盎一盛緹惟
沈齊爲賓獻時加爵用者則盛諸鬯而與三酒之鬯同
列於下祭神元者柜鬯在下亦實鬯而與三酒同列若
在上四尊俱盛柜鬯一色鬯卽一色尊與四齊在上大
不同也又問降神鬯尊何尊曰先注鬯而後祭者同概
尊曰概尊禋事所用此亦禋耶曰儀不同而義同如南
郊鬯注於四圭此時奏雲門以降天神北郊鬯注於兩
圭此時奏咸池以出地元則注鬯於器亦與禋事類矣
經曰凡禋事則注鬯降神者舉在凡中不特大璋中璋
邊璋有勺宗祝酌鬯祭地爲禋矣曰廟祭四齊朝踐饋
食尊別異此乃四獻同一鬯并四鬯尊同是一尊廟祭
追享朝享四時享灌尊必異此乃統同不幾重祖宗而
簡神元乎曰神元性專一以質素爲尙先王先公則人
鬼也素崇禮儀尙多文矣所以事之不同也若據此而
疑其簡何以神元之尊冪以疏而廟祭必用畫布耶

以畫布巾冪六彝。此冪享人鬼者以六彝該八尊此及下補巾布當精註宗廟文畫其雲氣與

凡王巾皆黼。言凡言皆若六飲三酒邊豆俎簋之屬皆冪黼巾也。黼巾給斧文近刃白近銚黑王當陽御世主威斷故用斧巾。凡王以例祭祀廟享冪以疏布者俎簋等皆疏布巾。冪以畫布者俎簋等皆畫布巾。竊意王舉亦當陳黃目彝裸瓚犧象二尊蓋聖制事死如生觀鬱人大喪共裸器遂經之則明器備主瓚矣。於司尊彝則曰大喪存奠彝知王朔望大奠黃目犧象咸備又曰葬亦如之則壙中並納此二項明器矣。使非大舉時與十二鼎俎並陳何必奠贈咸備哉。或舉時彝與瓚但陳之實儀象者仍用酒則不可知。

周官心解卷第三 終

周官心解卷第四

天官冢宰第一之四

○宮人掌王之六寢之脩

六寢北宮六寢大寢一亦名路寢考工記所謂內有九室九嬪

居之是也小寢五王與后及嬪御御宿所處脩埽除王南宮亦六寢夏官隸僕掌五寢之埽除糞洒而不及大

寢此宮人通掌六寢而不別殺於南宮也

○爲其井匱除其不蠲去其惡臭

匱於建反蠲古淵反去起呂反。井今參坑令穢水從下出匱今陰溝令穢水由竇出蠲潔也

共王之沐浴凡寢中之事埽除執燭共爐炭凡勞事

埽素與反

○寢中該大小寢而小寢中事為多

四方之舍事亦如之

註從王適四方及會同所舍按如如在內六寢執事也

○掌舍掌王之會同之舍設桎梏再重

舍試夜反桎弼禮反桎戶故反重直

容反。桎梏漢以來名行馬於軍營名鹿角中心圓木短長不等以小木交叉互貫橫列以止行者設再重者別營衛內外疏桎梏所施唯據下文車宮止宿而言帷宮無宮暫止間未必有此也○設車宮轅

門註王行止宿備非常

○為壇壝宮棘門

壝予偽反此會同之壇

壝司儀將合諸侯為壇三成宮旁一門宮即壝如牆者觀禮為宮方三百步四門壇十有二尋深四尺據二經則此為會同之所明矣棘門以戟表○為帷宮設旌門

門會同宮四門皆以戟表也棘即戟

○無宮則共人門

註王行有所逢遇若

張帷為宮樹旌以表門

註王行有所逢遇若

住遊觀陳列周衛立
長大之人以表門
○凡舍事則掌之。註王行所舍止

○幕人掌帷幕幄帟綬之事。幕模鄂反幄烏剌反帟音亦之天子幕以綃爲之檀弓綃幕魯也註以爲僭王是王幕用帛矣帷從幕立當用帛諸侯以下乃用布儒說謂帷幕王與諸侯臣下皆用布殊失考像宮室曰幄設帷幕之內者春秋傳平邱之會鄭人幄幕九張則諸侯大夫有幄知王以下達王之士矣竊意王諸侯三公孤卿用帛王之大夫士用布諸侯之卿大夫亦用布帟則胥以帛爲之卽坐上承塵或設幕下或幄內喪則在棺上在王朝則王及三公孤卿大夫有之士有帟則王賜也在畿外則諸侯及上公之孤有之卿亦王之士不得有帟矣若幄與帷幕則雖士亦得用之也綬連繫四物者制畧如帶苴枲材不柔忍或通用絲

凡朝覲會同軍旅田役祭祀共其帷幕幄帟綬。註共之者掌次當以

張、

大喪共帷幕帟綬。

註帷以帷堂或與幕張於庭帟在柩上按柩居屋內故無幄

三公及卿大夫之喪共其帟。

註唯士無帟王有惠則賜之檀弓君於士有賜帟

○掌次掌王次之灋以待張事。

註灋大小丈尺疏王出幕人以帷幕等送至停所掌

次張之

王大旅上帝則張氍毹案設皇邸。

邸典禮反。下經云祀五帝則此大旅上帝即冬至

祭天矣云大旅者冬至徧禮天神大司樂樂六變而天神皆降可得而禮是也氍毹案案上設氍取溫冬至寒盛故也此案設重氍亦即重案亦重帟可知鄭司農云邸後版也按後版若屏風染羽象鳳皇羽色爲之故曰皇邸此大旅上帝王次也兼大小二次言案邸設幄中幄上張幕四圍張帷幄內上設帟案如卓而邸古人設

坐席前或閱視簡編或憑此作書尊者之前多設此曹
操南伐孫權拔劍砍案曰敢言迎操者與此同正此經
之案也○朝日祀五帝則張大次小次設重帟重案合諸

侯亦如之

註朝日春分拜日於東門之外祀五帝於四郊次謂幄也大幄初往所止居小幄接祭退

侯處祭義周人祭日以朝及闇雖有強力孰能支之是以退侯與諸臣代有事焉合諸侯於壇王亦以時休息重帟復帟重案重席也按祀冬帝亦當理案疏重案不言皇邸亦有可知

師田則張幕設重帟重案

註不張帷幄者臨誓眾王或回顧瞻祭按冬狩亦設理案但無

皇邸

諸侯朝覲會同則張大次小次

疏與諸侯張之按亦當幕帷幄帟案皆備○師

田則張幕設案

疏承上諸侯諸侯從王師田掌次為張之案不言重無重席應有單席也按設

案而不重席此降殺於王下孤卿同

孤卿有邦事則張幕設案

註有邦事以事從王若以王命出也孤王之孤三人副三公者

不言公公如諸侯禮從王祭祀合諸侯張大次小次師田亦張幕設案

凡喪王則張帟三重諸侯再重孤卿大夫不重

註張帟樞上承塵疏

言凡王以下至大夫兼后及三夫人已下后與王同三重世子三夫人與諸侯同再重九嬪二十七世婦與孤卿大夫同不重八十一御妻與士同無帟賜乃有也此諸侯謂三公王子母弟也若畿外諸侯掌次不張之

凡祭祀張其旅幕張尸次

旅眾也公卿以下待事於外爲之張大幕尸則有幄鄭司農云

尸次尸所居更衣帳

射則張耦次

天子大射六耦賓射六耦燕射亦六耦皆在路寢耦次耦所處待射處在洗東此則但張

帷幕者

掌凡邦之張事

三朝逢雨亦張幕具此文

○大府掌九貢九賦九功之貳以受其貨賄之入頒其貨

于受藏之府頒其賄于受用之府

藏才混反。九貢九賦文具大宰九功卽

大宰九職然大宰不言征賦也地官閭師則曰任農以耕事貢草木至無職夫布凡九項則九職之係國用不細矣顧閭師掌國中四郊而不及其餘若九功所賦第在國中遠近郊已耳不知此但補載師未足之數觀此知閭師所征以外盡入於王受藏內府受用外府也以積貯言則曰貨以予人言則曰賄言貨則百物胥該言賄則泉布已耳○凡官府都鄙之吏及執事者受財用觀下二職可知

焉官府包六職及諸職司凡國中郊甸治地治民治事諸官都鄙之吏亦該三等采地眾職執事執工事者

若以王命建城邑造宮室而掌其事也受財用者非實
取財於大府藏中也財藏內外二府必得大府之命二
府乃授也然受財者必先告職歲職歲書受財之令二
其貳令存職內以備考核其正令則上大府大府乃令
二府頒財也此事掌之職內職歲者亦曰受財用大府
掌九賦九貢九功之貳官府等所用經費皆在數中亦
關白於大府也

凡頒財以式灋授之關市之賦以待王之膳服邦中之賦
以待賓客四郊之賦以待稍秣家削之賦以待匪頒邦
甸之賦以待工事邦縣之賦以待幣帛邦都之賦以待

祭祀山澤之賦以待喪紀幣餘之賦以待賜予

削所孝反音稍

。邦甸家削疑倒置四甸當易次此以畿內九賦之財
給九式之用也九賦已見大宰然邦中卽城中廛里有

賦場園有賦而市賦不入於邦中四郊近郊遠郊也近郊之田則士宅者及工賈取之遠郊之田則府史胥徒及牛人牧人六鄉受賞家取之邦甸則以祿三士等所謂公邑之田也外此家削邦縣邦都則又以予三等采地王不過於彼所取總數中取其十二卽漆林亦三采所有之山澤也若幣餘則掌於職幣自邦中至三采凡幣帛已用而存貯者皆是餘則用而有餘之財也此賦不當有定額然則諸賦全入於王惟邦中幣餘門關連市亦惟門關全入於王市賦及山澤四郊甸地外取於三采者仍十中之二耳然載師近郊十一遠郊二十而三於十二之額有欠故閭師取民貢以足之至國中之園廛二十而一則王所自取乃以十二之數有欠閭師亦以民貢足之非徒以外城地狹所賦不足以供賓客也法自上立爲天下先以示十二任土允畫一之制也地賦取於庶土者惟漆林踰額此由百工聚於王朝用漆至多且山澤之賦以待喪紀而喪紀贈送器物畢備用漆尤多也然地賦額虧以民貢益之此地賦踰額亦必於山澤中減他項以平之矣此頒財承官府都鄙

受財來彼等所受以用不越膳服九者而九者之用先
分地賦九項以待之如彼以膳服受不頒他項必頒關
市之賦也而膳服九者具大宰九式中不可增損大府
於頒此九賦時卽逐項以式灋授之令不得任意如頒
關市之賦卽授以羞服之式頒邦中之賦卽授以賓客
之式下及幣餘一一皆然此邦之財用所由無不均無
不節者歟大宰四曰羞服之式固卽王之羞服此經
易之以膳則六牲具焉矣七曰芻秣之式專言養畜也
此經曰稍秣則稍食亦該之三曰喪荒之式兼二事言
也此經惟曰喪紀則又析荒札於弔用中矣九曰好用
之式兼玩好及賜予之用言此經易好用
爲賜予則專主一項而析玩好於外矣

凡邦國之貢以待弔用

此見邦國之貢別待弔用也主諸侯受國於王之職貢從九貢以貢

王者註弔用給凶禮之五事按與內喪紀無涉弔用費
大卽以師旅救恤亦弔用中事而諸儒之說惟拘祀貢
等九者謂先王仁恤諸侯九者之外一無所取然則弔
用大費何以支之且至於用兵九貢諸物無當於闕陵

餼糧等用者多。曾邦國之貢而止。於是平竊謂外侯與
在內三采畧相等。王於三采地賦民貢。皆十中取二。外
諸侯亦以通國賦貢。十中之二貢王。允內外。蠶一之。蠶
也。若鄭氏誤解大司徒文。謂上公貢半。侯伯貢三之一。
子男貢四之一。則又貪暴之蠶。非聖王之制矣。弔用。
有多寡。惟弔伐爲最費財者。然亦具九式中。知無論費
多費少。胥授九式之灋矣。弔用。如
以凶荒而頒財。則授以救荒之式。

凡萬民之貢以充府庫。

此見九職之財不遽用也。王畿地賦甚大。然邦中外各有食之者。近

郊之田宅者。工人賈人所食。遠郊之田。庶人在官者與
牛人牧人。六鄉有功者所食。卽甸賦亦祿上中下士及
士庶子外。此三采卽三采食之。王之所取。不過載師額
數已耳。惟九職民貢爲閭師所取者甚少。又不及甸地
故王盡取之以充府庫也。若三采民貢。王所取亦各十
中之二。與地賦同。犬宰八則。所謂賦貢以馭其用是也。
民貢充府庫。非終不用。如用之。仍準地賦以頒式灋。
蓋民貢亦因乎地。民在邦中。四郊至於三采。及關市山

澤無不同也。而諸官因事用幣亦無不同。此確然可信而不疑者也。

凡式貢之餘財以共玩好之用。凡邦之賦用取具焉。式式九

之餘九式中所費之餘貢邦貢民貢貢之餘帛用之餘充府庫之餘及府庫已用之餘也。王家固不乏帛用民貢亦累年入府庫非終不用俟他賦已用乃及此耳。惟與邦貢皆用故已用有餘財也。三種餘財亦入幣餘故以共玩好玩好亦具好用式中者則共玩好之用亦授好用之式可知邦之賦地賦也邦之用甚繁而取具於九賦見帛用不支九賦民貢充府庫者不遽用惟九賦爲先用也。

歲終則以貨賄之入出會之。會古外反。移司會考核以土大宰

○玉府掌王之金玉玩好兵器凡良貨賄之藏。玉府受大府式貢之

餘財賈主市美材工主成良器以待共王及獻賜金玉玩好兵器玩好兵器飾以金玉兵與器二項皆式貢之

餘財所作良貨賄大貝文犀珍珠美石及文皮善錦金玉之異服者皆是正式貢之餘財也又獸人皮毛筋骨入於玉府漁人漁征入於玉府麋人斂屠者皮角筋骨入於玉府切按之亦式貢餘財玉府及內府二府皆朝廷之用

其王之服玉佩玉珠玉

服玉玉笏大圭等佩玉佩於革帶衡琚璜衝牙皆以玉爲之公侯以

下皆參用石珠玉亦然珠玉琢五采玉爲珠十二貫以五采纁爲冕垂旒者又皮弁韋弁冠弁六會亦五采珠

玉各

十二

王齊則共食玉

齊側皆反。鄭司農曰王齊食玉屑

大喪共含玉復衣裳角枕角柶

含戶暗反。含玉璧形而小復招魂也復衣裳以王

生時服招之復也玉府掌王之燕衣服故共復衣裳角枕枕尺角柶以楔齒令可含此復衣裳隸僕復於五小

小寢者

掌王之燕衣服衽席牀第凡褻器

第阻史反。註燕衣服中絮寢衣袍釋之屬按

衽寢所藉席坐所藉牀案及臥牀第簣也褻器虎子之屬

若合諸侯則共珠槃玉敦

敦音對。合諸侯卽時見之會敦卽有虞氏兩敦之敦槃與盤

同註珠玉以爲飾合諸侯割牛耳取其血畝之以盟珠槃以盛牛耳玉敦以盛血

凡王之獻金玉兵器文織良貨賄之物受而藏之

此式貢之餘財

所作獻亦出幣帛式之外者註可以獻遺諸侯古者致物於人尊之曰獻文織畫及繡錦按玉府藏之以待獻也或疑諸侯王臣君不當獻臣余曰燕禮膳夫爲主以酒飲賓曰獻饗禮王親爲主人以酒飲賓亦曰獻觀大行人饗禮九獻七獻五獻可見

凡王之好賜共其貨賄

此好賜如賜魯以夏后氏之璜封父之繁弱上一節已獻則當會

此則必會者

○內府掌受九貢九賦九功之貨賄良兵良器以待邦之

大用

此大府所謂受藏之府也非大用不用故曰受藏受受之大府良兵五兵之良者良器車乘諸器之

良者與貨賄皆九貢九賦九功所共九式之用及弔用皆用也而大小異焉內府則共其大者

凡四方之幣獻之金玉齒革兵器凡良貨賄入焉

註諸侯朝聘所

獻按此幣獻及良貨賄非九貢九賦九功所共而附入內府知此項所入甚繁

凡適四方使者共其所受之物而奉之

適四方使者使公卿大夫聘問諸侯

若大行人閒問省類等事物即上四方之獻幣受內府受藏也共共其奉奉與使者四方以朝聘來王使以聘

問往遺四方者卽四方所獻之物而不煩外取既受之於九貢九賦九功之外卽用之亦不列九式之中也用財款項明晰乃爾

凡王及冢宰之好賜予則共之亦取四方之幣獻共之註所善亦賜予之冢宰待四方賓客之小治

○外府掌邦布之入出以共百物而待邦之用凡有灋者此大府所謂受用之府也小用皆出於是故曰受用註布泉也按百物眾多以布市易及營作乃無不可共灋九式中灋凡有灋則纖微兼總九賦九功之稅不出粟米麻絲而以布代者悉入此府

共王及后世子之衣服之用凡祭祀賓客喪紀會同軍旅共其財用之幣齎賜予之財用齎音咨後皆同。衣服之用羞服中小用也註

廣資同按幣廣市買幣帛之資財祭祀以下五事財
用浩繁僅共幣廣則小矣僅共賜予之用則又小矣
凡邦之小用皆受焉千計百計什計及一二計者胥出於此此用爲最煩亦爲最曠唯用布乃得零星至此而不滯

歲終則會唯王及后之服不會與用酒同內府之會於此互見

○司會掌邦之六典八灋八則之貳以逆邦國都鄙官府
之治以九貢之灋致邦國之財用以九賦之灋令田野
之財用以九功之灋令民職之財用以九式之灋均節
邦之財用會古外反下同凡大宰所掌以治邦國治都鄙治官府者皆執其貳以逆之期與六典八灋八則之治相合而無閒也首列攷邦治之要次列攷邦財之要夫攷邦財攷其均節否也而財之共邦由

邦國之有貢田野之有賦民職之有功必先以九貢之
灋致之九賦九功之灋令之令之者慮徵求非灋以定
額詔之也令之亦以致之邦國之貢不言令灋頒邦國
在前彼來貢而司會據灋核之耳九貢之灋祀貢九者
限以九畿其中國大國小皆以地賦民貢十分之二奉
王也田平土野庶土令之者以載師園廛至漆林二十
而一十一二十而三十二二十而五之灋令之征民職
以九功之灋令者國中四郊閭師所征之外餘額胥入
王唯甸地二十而一之額王皆盡取而取於三采者第
十二也致令以取財用言均節以用財用言均者恐思
有所遺節則恐施之濫而用屈也大宰九式其灋至平
而無頗亦至中而無過以此均之節之斯用財無不當
而不憂其窘也豕宰天官無所不統內總王宮之政
外政所主總其綱要不出二端一曰攷天下之治一曰
攷天下之財顧事務殷繁雖小宰以下其屬六十而仍
慮有未精故特設司會一官以贊二事允重任也故其
位直並於小宰而貳亦並於宰夫其屬上士中士與豕
宰八人十六人之數均等而無降殺蓋豕宰小宰以外

任莫重於此官
亦莫尊於此矣

掌國之官府郊野縣都之百物財用凡在書契版圖者之

貳以逆羣吏之治而聽其會計

此因考畿內之治以核其財用也國之官府國

中也郊近郊遠郊野甸縣中都都大都二者包稍以稍縣都皆都鄙也百物吏治所阜亦羣吏所用之財財用其類數也書契財出入執據版戶籍以登民數九職於此稽圖地圖備列三田庶土九賦於此考二者皆羣吏所治而財用係焉故掌其貳以逆而考之也會歲會計三歲計書皆吏治與財用備列者官府以下百物財用司會所掌亦其貳

以參互攷日成以月要攷月成以歲會攷歲成

此攷之之

成自比居至要會凡官府庶民執據咸具據此以攷吏治財用絲髮難欺夫積日而月積月而歲皆據其成以

攷一歲如是三歲之攷治亦如是安有遁情哉參互者
慮本職隱欺又輾轉攷他職之成必求審核也月要歲
會有疑亦如此

以周知四國之治

此攷邦國之治也周猶徧四國之治畿外邦國所上之治以周知者亦以日成

月要歲會參攷之而無一不知也不稽九貢既無歲會又無三歲之計但知之已耳

○以詔王及

冢宰廢置

既攷而功罪明著故也不言誅賞當冢宰詔王

○司書掌邦之六典八灋八則九職九正九事邦中之版

土地之圖

正音征。此典灋則皆主王朝王官王都鄙而不及畿外九職民職出九功者九正之正

作征指邦中四郊甸稍縣都山林川澤關市出征賦者九事九式中事用財賦者邦中之版登畿內民數土地之圖繪王畿邦國穀土庶土之形自六典至土地之圖皆治灋執據而百物財用之出入多寡一一可稽者司

書贊司會而不及諸侯九貢司會不攷也

以周知入出百物以敘其財受其幣使入於職幣積九職九正百

物之入數無不知積九事所費百物之出無不知敘其財者令出入皆有次序而易知幣幣帛周制動必由禮納財支財皆用幣故司書受之使入職幣也幣亦官物入職幣即幣餘之賦○凡上之用財

用必攷于司會註上王與冢宰按司書亦入簿籍上之用財亦攷無一不攷可知

三歲則大計羣吏之治以知民之財器械之數以知田野

夫家六畜之數以知山林川澤之數以逆羣吏之徵令

此據邦中之版邦中土地之圖累歲悉書而知也器械車輦版築之類械兵刃等田野不易一易再易三等各有萊者夫家即夫婦夫家眾寡至不齊而約之以七六五為授田之差六畜尤重馬牛皆役時所調用者山林川

澤於九賦曰山澤於九職曰虞衡賦待喪紀而民職亦
充府庫者也此爲庶土與田野穀土殊別故更及之以
上三數統包畿內知之者司書因大計規制一新一
書之故知之也而繼此羣吏之征貢賦起師旅徒役蒐
田胥得取準於此矣以此逆羣吏之徵令庶不至於失
誤也知民財則假貸憂恤之衡定知器械則軍旅力役
之權審知田野則上中下三田之授有則而地稅斷不
可以重輕知夫家則三五二三等之役分而民賦更不
可以濫取知六畜之數者預征調之法雖役牛役馬亦
取均勞知山川林澤之數者防侵漁之患卽地職地守
必合定制也然則徵令可苟然哉司書當三歲大計時
據此三者之數迎其徵令之簿而攷之此功罪所以必
不可掩也

凡稅斂掌事者受灋焉及事成則入要貳焉

稅斂下有闕文稅斂者民

貢地賦當是職稅斂者受灋於司書稅斂旣征所得若干又入其要貳也掌事者見大府執事掌事興工其費

浩大總不出工事之式故受灋於司書事成則所費若干登諸要簿以上司會而司書入其貳也

凡邦治攷焉邦國之治亦書之

○職內掌邦之賦入辨其財用之物而執其總以貳官府

都鄙之財入之數以逆邦國之賦用內音納○賦邦中以下九賦九貢以

待弔用民貢以充府庫皆不遽用惟九賦以給九式則官府都鄙等之式用資焉所由於載師所入及補足於間師者給邦國九式之用也職內掌邦之賦入辨其物者令物以類從執其總者某物若干某物若干各核其總數而執其要也賦入異地其數不同官府所入國中四郊甸地之賦也都鄙所入家稍縣地置地所入之賦也外此關市山林川澤賦入於諸官者數亦各別而要不出職內所辨所執中全合其所總則所入者咸在故即爲入數之貳也既得全數後來費去若干可不失一黍矣用言賦出於九賦故也此職主官府郊野縣都

賦入之數專掌地
賦而不及民貢

凡受財者受其貳令而書之受財者卽大府所謂官府都鄙之吏及執事者也受財者告於職歲職歲以所受之數書二令以正入大府支財以副投職內職內受貳令又書登諸簿以待歲終司會之攷也

及會以逆職歲與官府財用之出而敘其財以待邦之移會司會歲終會財也受財貳令出於職歲職歲又貳官府都鄙出賜之數會時核對防隱欺也第言歲會而三歲之計不及於職歲互見也既書貳令則所入全數已有支銷又取有餘者核算而次序之以待用也移用者此餘賦由內外二府移職幣以待賜予也大府曰幣餘之賦以待賜予

○職歲掌邦之賦出以貳官府都鄙之財出賜之數以待

會計而攷之。賦地九賦地賦先用故以賦出言職歲掌

二令正投大府貳入職內又以所出之數為副簿以登
之用備司會歲終三歲之攷卽職內所謂以逆職歲與
官府財用之出是也計大計賜賜予賜予用幣
餘之賦此職主官府郊野縣都財出之數

凡官府都鄙羣吏之出財用受式灋于職歲。此承出之數

之灋羣吏出財用諮於職歲卽授以式灋受式灋則多
寡胥有一定之數而不容增損矣而此式灋則大府所

授大府日凡頒
財以式灋授之

凡上之賜予。以敘與職幣授之。此承賜之數言上王與冢

予必與職幣授者賜予用幣餘之賦敘卽
職內所敘餘賦以敘授令存者易稽也

及會以式灋贊逆會。疏司會逆羣吏之治而聽其會計
此官主式灋出財用故以此助之

○職幣。掌式灋以斂官府都鄙與凡用邦財者之幣。以掌幣為

職故曰職幣幣帛古人動必由禮有禮即有幣官府

等以官物致禮凡投報皆然諸官存而貯之仍為官物

故職幣於歲終斂之也及都鄙三采亦用官幣別於外

諸侯必以式灋者祭祀賓客等用幣不同各具幣帛式

中故也凡用邦財者邦中朝廷之用即大府以下三府

所掌其幣亦職幣斂之也此職主斂幣兼斂朝廷及

官府等之幣而下掌事之餘財○振掌事者之餘財掌

亦振之合之乃為幣餘之賦也○振掌事者之餘財事

者與司書掌事同即大府執事者掌事者主營造或大

支帑藏暨功成而財有餘故職幣振之振收舉也既斂

幣又振餘財遂以為幣餘之賦上斂官府等○皆辨

之幣亦振其餘財此振掌事餘財亦斂其幣○皆辨

其物而莫其錄以書揭之以詔上之小用賜予揭其列反○幣

不尚物如錦繡黼黻等且庭實亦別餘財物亦不同如

米粟泉帛木材各異辨別而莫其錄一一登諸簿籍以

齊楊之。又卽物爲標誌也。上兼王及冢宰。僅詔上以小用賜示物所從來者輕也。

歲終則會其出。凡邦之會事以式瀆贊之。雖小必會謹財也。職幣掌式瀆

故以式瀆贊之。此見周家用財無一不用式瀆。

○司裘掌爲大裘以共王祀天之服。司裘掌共王裘首大裘。尊祀天之服也。鄭

司農云。大裘黑羔裘。服以祀天。按祀天冬至至圜丘之祭。冬至日極於南。南方火。故取於羔之火畜。且幼無牝牡之性。則潔而誠。黑則天色。又象冬水行也。凡冕服皆黑羔裘。而加飾不同。祀大大裘。色純不飾。裘中至尊之服也。外襲冕服十二章。亦至尊之服。然攷夏官節服。則祀天大裘不止於此。按節服氏下士八人。祭祀朝覲衮冕。六人。維王犬常郊祀。裘冕二人。執戈送逆尸。從車由此推之。送逆尸者。裘冕上帝尸。有不大裘而冕如王服者。與王享先王。衮冕服朝覲。亦衮冕服。故當祭祀朝覲而節服維犬常者。胥衮冕。則當郊祀維犬常有六人。胥

裴冕者與據此則祀天裴帝尸一王一維大常者六送逆從車者二已十大裴矣而配天之稷尸裴冕亦當相一裴則十一一大裴

中秋獻良裘王乃行羽物。

中音仲。註良善也。鄭司農云良裘王所服。按如黼裘麋裘狐

裘諸服中春鷹化爲鳩夏官羅氏獻鳩乃行羽物順生氣也至此中秋鳩化爲鷹順其始殺而班羽物羽物鳩鳩諸○季秋獻功裘以待頒賜註功裘人功微犢狐青小鳥○○季秋獻功裘以待頒賜註功裘人功微犢狐青按此及上行羽物皆匪頒式中事宮伯云以時頒其衣裘則頒士庶子亦用此功裘矣

王大射則共虎侯熊侯豹侯設其醵諸侯則共熊侯豹侯

卿大夫則共麋侯皆設其醵

而射天子大射賓射侯道

三、檠戟王、騶駼、排仇、鎗杯、雌騶、駼道、中堂王射、植虎、熊豹、西堂諸侯射、植熊豹、東堂孤卿大夫射、植麋侯、此六皮

侯皆大射之侯也司裘共之賓射五采三采二采亦六
侯辨詳射人侯亦司裘所共燕射則司裘共獸侯一經
不之及以大射最重舉一而他可例見也凡侯道虎侯
九十弓熊侯七十弓豹侯麋侯五十弓謂之皮侯者以
虎熊豹麋之皮爲侯也註謂以皮飾其鵠之側恐非是
考工記裘氏爲侯廣與崇方參分其廣而鵠居一焉夫
廣與崇方者侯中也儀禮鄉射記弓二十寸以爲侯中則
大射之侯九十弓者侯中崇廣丈八尺七十弓者侯中
崇廣丈四尺五十弓者侯中崇廣一丈參分其廣而鵠
居一者謂三分侯中之崇廣而鵠之崇廣僅得其一分
也如侯中方一丈八尺者鵠方六尺侯中一丈四尺者
鵠方四尺六寸大半寸侯中一丈者鵠方三尺三寸少
半寸註謂之鵠者取名鵠鵠爲鵠小鳥難中以中爲鵠
用虎熊豹麋之皮示服猛討迷惑也按六侯樹三道惟
中間豹侯西道豹侯東道麋侯得設鵠當侯中正中耳
外此二熊及虎侯皆設鵠侯之上大射儀所謂見鵠
于參見鵠于干此明證也蓋樹侯皆去地一尺二寸統
計侯崇二約一麋得一丈九尺二寸二熊得二丈三尺

二寸虎侯得二丈七尺二寸雖遞高四尺而二熊侯中
已掩隔於二豹虎侯侯中又掩隔於中熊此必不能於
侯中正中設鵠而射之顯然者也惟鵠設於侯中之上
庶二熊高於二豹四尺且相去十二丈二熊鵠之四尺
六寸強乃全見而可以射虎侯高於中能四尺亦相去
十二丈虎侯鵠之六尺亦全見而可以射此經司裘共
大射六侯而設鵠則另記已可見鵠不連綴侯中侯中
不足設鵠之義而鄭氏泥大射儀千不及地武句謂惟
五十弓之侯爲然其他侯七十弓者去地一丈五寸弱
侯九十弓者去地二丈二尺五寸弱而皆恃上下綱以
爲固則危險甚矣何也七十弓之侯淨高二丈二尺廣
五丈四尺九十弓之侯淨高二丈六尺廣七丈二尺以
高廣如是之侯又升一丈強二丈二尺強之上計上綱
所繫之木非深埋六尺或丈贏不可非六丈強四丈強
不可非二拱三拱大而強者更不可曾聖人制作而如
此迂且拙乎哉註士不大射士無臣祭無所擇按此經
麋侯卿大夫所射者蓋卿大夫得與王大射耳卿大夫
無大射與士同或謂卿大夫大射明見此經鄭註子何

云無之曰卿大夫射皆行鄉飲酒禮亦鄉射也燕射且
無之何況大射如謂此經麋侯即卿大夫大射所射當
亦無與司裘事而不必爲之共麋侯設其鵠矣且不特
此也士無大射註有明文乃夏官射人云士以三耦射
豻侯則似士亦有大射註說果無所誤與皮侯以不
去毛獸皮爲之必如此庶虎侯文炳豹侯文蔚熊侯麋
侯亦耀華美之觀苟去毛無異犬羊之羶矣曾大射盛
禮而用此邪賓射燕射之侯以鄉射布侯差之意當用
帛王大侯張於賓射則五采帛諸侯三采二采帛王燕
射熊侯白質則素帛也諸侯麋侯赤質則赤帛也降而
鄉侯用布然曰凡畫皆丹質則布亦丹色矣謂大射賓
射燕射之侯但以白布爲之非也或曰采侯獸侯何官
共設曰仍出司裘蓋裘以有毛之皮爲之而裏帛則制
皮制帛皆司裘所習爲此經不言賓射采侯燕射獸侯
殆舉重包輕也曰鵠以何物爲之曰此無可據意亦獸
皮爲之而雕剪其毛如鴝鵒耳觀射義有君臣父子之
鵠此必雕剪鵠形又分屈伸俯仰之狀故令君臣父子
各射其鵠也曰正與獸奚若曰亦當以獸皮爲之正則

獸毛爲征鳥獸則以熊皮爲熊麋皮爲麋亦雕剪其毛爲之也苟疑予言試取司裘及考工裘氏之義審之裘氏爲侯說見梓人爲侯

大喪厥裘飾皮車

厥喜飲反又許金反。註皮車遺車之革路象似作之神之偶衣物必沽而小

耳疏裘明器中之裘象良裘飾皮車者明器之車以皮飾之

凡邦之皮事掌之歲終則會惟王之裘與其皮事不會

○掌皮掌秋斂皮冬斂革春獻之

秋斂皮冬斂革二句疑當作秋斂革冬斂皮蓋

連毛爲皮去毛爲革冬皮最善故皮冬斂之秋皮毛易凋敗故秋斂無害耳

遂以式灋頒皮革于百工疏良者入司裘餘入百工因上事故云遂也按式灋卽九式之

灋指工事言百工裘氏韋氏函人鞞人等

共其毳毛爲氈以待邦事

毳此芮反。毳毛毛細縹者革所落毛共氈工使作氈邦事祭

祀合諸侯之事掌次氈案亦其一

歲終則會其財賚

財與材通卽皮革之材財賚猶外府幣賚彌與資同市買皮革之費也

○內宰掌書版圖之灋以治王內之政令均其稍食分其

人民以居之

稍所孝反。版宮中執事官吏及奄豎女宮女奚暨宮正等所掌守衛北宮之錄籍

圖北宮大寢小寢及執事諸官署並宿衛次舍之形象名有登下處有更易故書之據版則人數可治據圖則處所可治皆政令所由施也王內北宮六寢也稍食祿廩均稍食該內人言人民官吏閭寺及宿衛諸官士庶子大宰治典無所不統總其大綱不出三頂一考官府之治一節天下之財一轄王宮之政此內宰正副大宰治王宮者故居治王內而以宰名官猶大宰之下有小宰宰夫也

以陰禮教六宮

註陰禮婦人之禮六宮后也后象王之六宮亦正寢一燕寢五教不敢斥言謂之六

宮

○以陰禮教九嬪

註不言教世婦省文

○以婦職之灋教九御

使各有屬以作二事正其服禁其奇袤展其功緒

奇音羈袤

似差反。註婦職謂織紝組紃縫線之事九御女御也

九九而御於王因以號焉正其服止踰侈奇袤若今媚

道按屬每九人屬於九嬪一人展閱視功緒卽二事功

緒二事絲枲事也疏世婦已上言禮不言職以貴無絲

枲等職故也詩註云王后織元紃公侯夫人紃紃卿之

內子大帶大夫命婦成祭服士妻朝服庶人已下各衣

其夫示雖貴無得遊手非如此絲枲二事責其功緒也

此絲枲二事責其功緒也

大祭祀后裸獻則贊瑤爵亦如之

註祭宗廟王既裸后從裸也獻王薦腥薦熟后

亦從獻也瑤爵尸卒食王

既醑尸后亞獻爵以瑤飾

○正后之服位而詔其禮樂

之儀

註薦徹之禮與樂相應位房中戶內凡立處疏服祿衣已下六服正之使服當其用

○贊九

嬪之禮事

註贊九嬪贊后之事九嬪贊后薦玉盥薦徹豆邊

凡賓客之裸獻瑤爵皆贊

禮后亞王禮賓獻王饗賓亞王獻也瑤爵以亞王酬賓

○

致后之賓客之禮

賓客諸侯及卿大夫來朝聘后使下大夫致禮此內宰下大夫也

凡喪事佐后使治外內命婦正其服位

註內命婦九嬪世婦女御外命婦卿

大夫士之妻王命其夫后命其婦疏喪言凡則王及后世子以下皆是服位服之精猶位之先後

凡建國佐后立市設其次置其敘正其肆陳其貨賄出其

度量淳制祭之以陰禮

淳諸允反。建國面朝後市王立朝后立市陰陽之義次吏治

舍思次介次也敘市行列正其肆者美惡異肆使不雜陳布之諸物皆陳布令明見不惑也度量丈尺量豆區之

屬淳樸廣制匹長陰禮婦人祭禮后體地道故始立市
后主之後上春二十一字當移此節之下中春節之前

中春詔后帥外內命婦始蠶于北郊以爲祭服

中音仲婦道主陰

故蠶於北郊猶立市於後也北郊有公桑蠶室後正歲二十二字當移此節之下歲終節之前

歲終則會內人之稍食稽其功事

註內人九御功事絲枲之事王介甫曰既均

其稍食歲終則會之既展其功緒歲終則稽之按會稍食惟主內人諸官吏稍食宮正上犬宰小宰非內宰所

會也而內宰所會亦仍上犬宰小宰○佐后而受獻功者比其小大與其

麋良而賞罰之

註獻功者嬪婦九御之屬典婦功曰及秋獻功王介甫曰小大比其制麋良比

其○會內宮之財用

註計夫人已下所用財

正歲均其稍食。施其功事。憲禁令于王之北宮。而糾其守。

此二十二字。當移歲終節之前。施猶班也。糾守。糾北宮宿衛者。官及士庶子。皆是。正歲冬月。婦功當脩。故重均稍食。更施功事也。此飭內人。正歲小宰。憲宮刑。宰夫以灋戒羣吏。脩宮中之職事。蓋通飭南北宮。此憲禁令。特專北宮。則主王內婦宮。及奄豎給事者。

上春詔王后帥六宮之人。而生種。種之種。而獻之于王。直種

龍反。種音六。種章勇反。此二十一字。當移中春節之前。上春者。謂正月寅月也。註六宮之人。夫人以下。分居六宮者。古者后宮藏種。取傳類蕃孳之祥。生而獻之。示能育不傷敗。且佐王耕事。共禘郊也。鄭司農云。先種後熟。曰種。後種先熟。曰種。王當種於藉田。註分居后六宮者。每宮九嬪。一人世婦。三人女御。九人。餘九嬪三人。世婦九人。女御二十七人。從后從后者。五日休沐。其次又上十五日而徧。夫人如三公。從容論婦禮。

司書心解
卷四
天官
內宰
內小臣
十九
歷代

○內小臣掌王后之命正其服位。內小臣正服位后居大寢故王視朝皮弁服此

或服展其位未聞此職主給事后

○后出入則前驅

大寢與夏官小臣給事王大寢同疏此小臣是奄人故為后導道按與夏官小臣王燕出入前驅同

若有祭祀賓客喪紀則擯詔后之禮事相九嬪之禮事正

內人之禮事徹后之俎

相息亮反。擯行禮時傳道註詔相正異尊卑也俎后受尸爵

飲於房中之俎疏詔相正皆擯但據尊卑不同故別之

后有好事于四方則使往有好令于卿大夫則亦如之。好

與反。易彥祥曰好事以財問遺好令以言問勞

掌王之陰事陰令

註陰事羣妃御見事若今掖庭令晝漏不盡八刻日錄所記推當御見者陰令

王所求爲
於北宮

○闔人掌守王宮之中門之禁

此北宮六寢各正中門也中門對闔闔諸門言

喪服凶器不入宮潛服賊器不入宮奇服怪民不入宮

註喪

服衰經也凶服明器也潛服若衷甲賊器盜賊之器若兵刃奇服衣非常怪民狂易

凡內人公器賓客無帥則幾其出入以時啓閉

帥所率反註三者

出入當須使節乃行鄭司農云公器持公家器出入者幾無帥引之則苛其出入

凡外內命夫命婦出入則爲之闢

爲于僞反註辟辟行人內命夫卿大夫士在

宮中者

掌埽門庭

門庭中門外之庭但埽門以外闔人不

得入門可知且宮門埽除宮人掌之

大祭祀喪紀之事。設門燎。蹕宮門廟門。凡賓客亦如之。註

地燭疏。天子百公五十侯伯子男皆三十。蓋百根葦以布纏之。蜜塗其上。按祭祀於廟后及嬪婦等皆有事喪紀。廟諸奠亦然。若享賓內官亦共薦羞豆籩。此皆婦職當出宮入廟。所以有設燎蹕宮門廟門事。此職當屬守內宮者。

○寺人掌王之內人及女宮之戒令。相道其出入之事而

糾之。相息亮反。下同。道徒報反。後同。註內人女御也。女宮刑女在宮中者。愚謂糾以戒令糾之。使不違

此職給事北宮小寢者。序官曰王之正內五人。以小寢五也。云正內者對側室言。

若有喪紀賓客祭祀之事。則帥女宮而致于有司。註有司

婦佐世婦治禮事。註世婦二掌內人之禁令。李茂夫曰內小臣於

祭祀三者正內人之禮事此則禁令之使如小臣所正也

凡內人弔臨于外則帥而往立于其前而詔相之

註從世婦弔或

哭其族親

○內豎掌內外之通令凡小事

豎蜀羽反。內后六宮外王六宮內豎通內外令給

小事蓋年幼入內無嫌且無與為禮出入便疾此職亦給事五小寢者序官曰內豎倍寺人之數

若有祭祀賓客喪紀之事則為內人蹕

為於偽反。疏此豎於三事為內人

蹕皆謂在廟時祭祀在廟禘祫時祭時賓客在廟享食時喪紀在廟廟廟祖莫遣奠時按內人從世婦有事於

廟內豎為內人蹕亦小事

王后之喪遷于宮中則前蹕及葬執褻器以從遣車

宮中后大

月 角 卷四
寢大小斂遷尸內豎前蹕前蹕之遠也后尸未盡設
飾宜遠嫌疏及葬執褻器以從遣車者朝七廟訖旦將
行在大祖廟中爲大遣奠苞牲取下體天子九牢苞九
簡遣車九乘后亦同遣車載牲體如墓鬼神依之故使
執褻器從之按王遣車當
十二乘鼎十二物皆有俎

周官心解卷第四

終